

Atham woIuanna 2

Atham ie'ra ammakka oIuanna pokurrot

Lon lonothon

Lon elli lotte lokat lapul pothothilettat poleccuo ipocot k'ran itti oIuanna. Kwakurro lon ere ca coul iocokothe lon loIeccuo kwaik pakurrine cungkut coul w'rek iocokothe lon loIeccuo ana kwocciyet cungkut coul wen itti, 'Pul ipopari ipa Kapik kakkarot ana nyukul nyung' (1.1).

OIuanna paik pakwarikiet ul iocokothe lon loIeccuo itti wa'rungkot nothoccikot lon ilonthomat loKapik ana o'rungkot ithongarot (1.5–6). Kwa'retto nakin itti okin thakannoccikot lon loul iangkene lon loIeccuo ngkarra i'rat lon ilaik icat ileret oIeccuo. (1.7–11)

Lon ilaik iatham

1. Thomicco (1.1–3)
2. Occikothe lon ilonthomat loKapik (1.4–6)
3. Lon lotha'retto noul iangkene ngkarra (1.7–11)
4. Thomicco ithocothothe (1.12–13)

¹ Lon elli naun oIuanna pul iponu lon ikkun loul wonoppan toKapik.

Laine opangkin ipopari ipa Kapik kakkarot akin othakka ul wung ana nyukul nyung, inya mpongothe icaricat ana okorronno oka okin thulluk anaruk okin appik ithina lon ilaik icat ² ana nti ilon ilaik icat ilaik iaron ana laka naron thuputhput.

³ AKapik oNgappa ana oIeccuo oMiccie ukul wung, ethet ton thoporot ana thiak ana thoporot ana thongarot athoka thonnon icaricat.

Thongarot ana lon ilaik icat

⁴ Lopirierin noka kannan akka mpiothe nyukul nyon inyarra inyanon thaik ilon loleccuo, nyaik nyammakot lon ilaik icat ammakka oNgappa pi'retheron itti oron thakkot. ⁵ Ana inenni pangkin ipopari, mpaik pakannokurrinung lon l'rek ilie loKapik, anaruk ilaron thaththonat nci nomun. Mpaik pipittot non itti oron thangarot appik. ⁶ Ana thongarot itti oron thaccikot lon ila oIeccuo i'ret ton. Ammakka onon thocckithe nci nomun itti lon lung itti onon thikkoik ithongarot.

⁷ Ul ionu karra ana iakannangkot itti oIeccuo oMiccie paat ngka kopul iponyi waat woppot ana woppathe nocapu ncik appik. Pul ammakka emprik ponu karra ana kw'rat lon loMiccie. ⁸ No'rumoik othakka itti anokorronno uret ngre cik ianon thorekot anaruk aKapik okkenon kicce. ⁹ Okkwi ipaik pakannommakot thongkene thoMiccie ana kwaik pakkot lon loka, kwella Kapik ana okkwi ipaik pammakot thongkene thoMiccie kwonu Oththan ana ukul. ¹⁰ Okkwi ipakannangkot thongkene enthi, kirrinni onekothok tuan ana manna ikkiek cik. ¹¹ Okkwi ipikkierok cik kwongothe lon lung ana okin thakkettet lon lung ilokithak akin aththut.

Lon ilacothot

¹² Mponu loppot ila mpongothe itti mpakurrinenon anaruk mpakannangkot itti mpakurrot noka'rmacak. Mponu nocikiit itti mpathomirikot non anerekanthet non othakka itti aron opira noka kannan appik. ¹³ Nyukul nyopangkang ipopari ipa Kapik kummot nti iul akin othakka thung nthaik thamicco non.

Lumun
Lumun: Lumun (Bible)

copyright © 2020 Wycliffe Bible Translators, Inc.

Language: Lumun

Contributor: ECS Diocese of Khartoum Translation Department

This text box needs to have content for PT9 to upload is to the DBL.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 8 Feb 2022

b9cb69ce-3694-5d9f-bda5-4a2243faecee